



QAQORTUP KOMMUNIA

IMMIKKOORTUMI PILERSAARUT A5-1

ILLOQARFIUP ILAANI PILERSAARUSIAQ A5-1

**PRS. BENEDIKTESVEJ-IMI SANAARTORFISSAMI 3-MI INISSIALIORTITERNISSAMUT
PILERSAARUSIAQ**

Siulequt

Illoqarfiup ilaani pilersaaruserneq sunaava?

Kommunimi pilersaaruseriarneq pilersaaruseriarfinnut marlunnut tunngasuuvoq: Kommunip tamarmiusumik pilersaaruseriarneranut kiisalu sumiiffinni aalajangersimasuni pilersaaruseriarneranut (illoqarfiup ilaani pilersaaruseriarneranut). Pilersaaruseriarfissat marluit taakku nunaminertanik atuinnermut pilersaaruserinnermullu Inatsisartut peqqussutaanni nr. 1-imi juunip 18-anni 1987-imeersumi inatsisitigut aalajangersarneqarput. Illoqarfiup ilaani pilersaaruseriarnerit nunaminertanik atuinnermut pilersaaruseriarnernullu Namminersornerullutik Oqartussat nalunaarutaat nr. 23 novembarip 18-anni 1992-imeersoq naapertorlugu suliarineqartassapput.

Kommunimi tamarmiusumik pilersaaruseriarneq aqutsinnermi sakkut pingaarnersaraat illoqarfiullu ilaani pilersaaruseriarnerit tassaallutik pilersaarutitik naammassinnittarfiit. Kommunip pilersaaruserinnerani pineqartarput sumiiffiit aalajangersimasunik killillit iluini pilersaaruserinnerit allaaserineqarneri nunaminertat tamakku qanoq atorneqarnissaannik aalajangersaaviusut.

Sumiiffinni aalajangersimasuni tamakkunani annertuunik sanaartugassaqartillugu pilersaaruseriarneq kommunalbestyrelsi pisinnaatitaaffigalugulu pisussaafigaa. Illoqarfiup ilaani pilersaarutit naammassineqartarnerminni tamanut pituttuisuupput, tassa pisortat oqartussaasui imaluunniit innuttaasut ataasiakkaat pissutsinut atuuttunut siunissami akuliunniassagunik tamanna pilersaaruseriap ingerlanneqarneranut naapertuuttumik pissammat.

Tamanut saqqummiussisussaataaneq pillugu aalajangersakkat

Inatsimmi aalajangersarneqarpoq kommunalbestyrelsi illoqarfiup ilaani pilersaarummut siunnersuummut inaarutaasumik akuersinnermi kingunitsiannua tamatuminnga tamanut saqqummiussisasoq.

Siunnersuut akuersissutigineqareersoq sivikinnerpaamik sap. akunnerini arfinilinni innuttaasunit aqusaartugaalluartuni inissinneqarluni misissuataagassanngortinneqassaaq.

Illoqarfiup ilaani pilersaaruseriaq A5-1Kommunip Allaffiani illoqarfiullu Atuagaateqarfiani 1999-imi apriilip 27-aniit juunip 8-nut misissuataarneqarsimavoq.

Piffissamittaaq tassani innuttaasut illoqarfiup ilaani pilersaaruseriamut uparuaasinnaallutillu allannguutissanik siunnersuuteqarsinnaasimapput.

Pilersaaruseriap januar 2000-imi atuutussanngortinneqarnerani tamanut saqqummiunneqarpoq februar-ip 8-ni 2000, illoqarfiup aviisiatigut.

QAQORTUP KOMMUNIA ILLOQARFIUP ILAANI PILERSAARUSIAQ A5-1

Prs. Benediktesvejimi sanaartorfissami 3-mi inissialiortiternissamut pilersaarusiaq

A. ILLOQARFIUP ILAANI PILERSAARUSIORTARNERNUT NASSUIAAT

1. Illoqarfiup ilaani pilersaarusiortarnerni siunertat
2. Aallaqqaasiut tunngavillu
3. Illoqarfiup ilaani pilersaarusiortarnernit pilersaarussianut allanut attuumassutaat
4. Illoqarfiup ilaani pilersaarusiap inatsisitigoortumik atuukkallarnera
5. Illoqarfiup ilaani pilersaarusiap inatsisitigoortumik atuutilernera
6. Immikkut pinninnissamut periarfissat
7. Piffissaq oqaluuserineqarfia akuersissutigineqarneralu

B. ILLOQARFIUP ILAANI PILERSAARUSIORTARNERNI MALITTARISASSAT

- § 1. Illoqarfiup ilaani pilersaarusiortarnerni siunertat
- § 2. Killilerneqarnera
- § 3. Atorneqarnera
- § 4. Aqqusernit, uninngaartarfiit ornikkuminassutsillu
- § 5. Sanaartorfiusinnaasut aqqusinernut ungasissusissaat
- § 6. Sanaartorfiup annertussusia sumiiffialu
- § 7. Sanaartukkat ungataannit isigalugit
- § 8. Nunaminertat sanaartorfigineqanngitsut
- § 9. Avatangiisinik illersuineq
- § 10. Kusserngit atortorissaarusersuutillu
- § 11. Akuersissutigineqarnerata uppersarneqarnera

TITARTAKKAT ILANGUNNEQARTUT

Titartagaq nr. 1: Illoqarfiup ilaani pilersaarusiap titartarneqarnera

A. ILLOQARFIUP ILAANI PILERSAARUSIOR-TARNERNUT NASSUIAAT

1. Illoqarfiup ilaani pilersaarusiortarnerni suiunertat

Illoqarfiup ilaani pilersaarusiaq A5-1-imi siunertarineqarput:

- a) sumiiffimmi pineqartumi inissialiortiternissami illoqarfiup ilaani tassani pilersaarusiornissamut tunngavissanik aalajangersaanissaq,
- b) sumiiffimmi A5-1 Sanaartorfissami 3-mi nunaminertanik atuinissat sanaartornermilu tunngavissat aalajangersarneqarnissaat.
- c) inissialiat avatangiisinut naleqqussarneqarlutik ilusilersorneqarnissaannik qulakkeeri-sunik aalajangersagaliornissaq.

2. Aallaqqaasiut tunngavillu

Illoqarfiup ilaani pilersaarusiakku A5-1-ikkut siunertarineqarpoq nunaminertanik illuinnarnik illu-liorfissarsiortoqarnissaa.

Sanaartorfissaq 3 najugaqarfissanut 20 missaaniitunut imaalluunniit illunut marloqiusanut anner-paamik marlunnik quleriilinnut sanaartorfissiaavoq.

Illoqarfiup ilaani pilersaarusiortarnertigut siunertarineqarpoq sanaartukkat ilusilersorneqarnerisa ataatsimoortuusutut, imminnut tulluarisutut avatangiisiminnullu tulluartutut saqqummertarnissaat, tamakkununga ilanngullugit sanaartukkat suussusii, inissinneqarneri, portussusii ilusilersugaaneri-lu.

3. Illoqarfiup ilaani pilersaarusiortarnerit pilersaarusianut allanut attuumassutaat

Illoqarfiup ilaani pilersaarusiaq A5-1 kommunalbestyrelsimit april-ip 14-ani 1999 siunnersuutitut akuerineqarpoq.

Illoqarfiup ilaani pilersaarusiaq A5-1 tamanut oqallusissianngorlugu saqqummiunneqarsimavoq 1999-mi april-ip 27-aniit juni-p 8-nut.

Illoqarfiup ilaani pilersaarusiamik matumani pineqartumik kommuni pilersaarusiaminut ilassuteqar-simangilaq.

4. Illoqarfiup ilaani pilersaarusiap inatsisitigoortumik atuukkallarnera

Illoqarfiup ilaani pineqartumi pilersaarusiaq inatsisitigoortumik atuutitikkallagaavoq. Illoqarfiup ilaani pilersaarusiaq tamanut saqqummiunneqareerpat nunaminertaq pilersaarusionermi pineqartoq pilersaarusiame aalajangersakkanut akerliusunik kommunalbestyrelsimillu akuersissutigeqqaarneqanngitsunik allanik sanaartorfineqanngikkallassallunilu allanut atorneqanngikkallassaaq.

5. Illoqarfiup ilaani pilersaarusiap inatsisitigoortumik atuutilernera

Illoqarfiup ilaani pilersaarusiap inaarutaasumik akuersissutigineqarnerani aalajangersakkat makku atuutilissapput:

- a) Nunaminertap illoqarfiup ilaani pilersaarusiame inaarutaasumik akuerisame killiliusap iluani sulianik illoqarfiup ilaani pilersaarusiame aalajangersakkanut akerliusunik aallartitsisoqartassanngilaq.
- b) Sumilluunniit sanaartortoqassappat nunaminertamik tunineqarsimanissaq sanaartornissamullu akuersissuteqarfineqarsimanissaq piumasaqaataapput.
- c) Suliami naammassiniakkami pisortat oqartussaasuinit qaqugukkulluunniit piumasaqaatigineqartut eqqortinneqartassapput.

6. Immikkut pinninissame periarfissat

Pilersaarusiap imarisai pingaernerit tamakkualu qanoq atugassaneri pineqartinnagit kommunalbestyrelsi immikkut pisoqartillugu uniuilaarsinnaanernut akuersissuteqarsinnaavoq.

7. Piffissaq oqaluuserineqarfia akuersissutigineqarneralu

Illoqarfiup ilaani pilersaarusiaq A5-1 siunnersuutitut kommunalbestyrelsimit akuersissutigineqarpoq april-ip 14-anni 1999.

Illoqarfiup ilaani pilersaarusiaq A5-1 1999-mi apriliip 27-anit juni-p 8-at ilanngullugu tamanit oqaluuserisassanngorlugu saqqummiunneqarpoq.

Illoqarfiup ilaani pilersaarusiaq A5-1 januar-ip 18-ani 2000 kommunalbestyrelsip ataatsimiinerani atugassanngorlugu akuerineqarpoq. Akuerineqarnerani pilersaarusiap killeqarfiata angissusia millilernerneqarpoq sanaartorfissame 3-mut Ineqarnermut, Attaveqarnermut Pilersuinernullu Pisortaqarfik isumaqatigalugu.

ILLOQARFIUP ILAANI PILERSAARUSIORTARNERNI MALITTARISASSAT

§ 1. Illoqarfiup ilaani pilersaarusiortarnerni siunertat

Imm. 1. Nunaminertap tunniunneqartup inissialiortiternernut atorneqarnissaa illoqarfiup ilaani pilersaarusiornikkut isumannaarneqartassaaq.

Imm. 2. Tamatuma aqutamik avatangiisinullu tulluarsakkamik ingerlanneqarnissaa illoqarfiup ilaani pilersaarusiornikkut isumannaarneqartassaaq.

§ 2. Killilerneqarnera

Imm. 1. Illoqarfiup ilaani pilersaarusiap sumiiffiata killilerneqarnera illoqarfiup ilaata tamatuma titartarneqarnerani titartakkatut ilanngussami nr. 1-imi takuneqarsinnaavoq.

§ 3. Atorneqarnera

Imm. 1. Sumiiffik tamanna illuliortitertiffissatut atorneqassaaq.

Imm. 2. Qinnuteqartoqareersimatillugu kiisalu ungasissusissanut malittarisassat atuuttut ataq-qineqarpata sanilillu akornusersorneqassanngippata illunut ataasiakkaanut atasunik biilnik eqqussisarfiliorqarsinnaanera, biilnut uninngatitsisarfiliorqarsinnaanera, minnerusumik paarliliorqarsinnaanera, qimminut iniliorqarsinnaanera il. il. kommunalbestyrelsip akuersissuteqarfigisarsinnaavai.

Imm. 3. Sumiffimmi tamaani qamutit sulinermi atorneqartartut angisuut, angallatit allalluunniit najugalinnut akornutaasinnaasut imaluunniit sumiiffiup najugaqarfittut pissuseqarneranik allanngortitsinerit kommunalbestyrelsimit inerteqqutigineqarsinnaapput.

§ 4. Aqqusernit, uninngaartarfiit ornikkuminassutsillu

Imm. 1. Aqqusineq pingaarneq illoqarfimmut atasoq sanaartorfimmi 3-miittoq aqqusernmut pioreersumut Prs. Benediktesvejimiittumut atassuserneqassaaq. Aqqusernup avannamut tapertariaqalernissaa pillugu tamaani nunaminertamik isumannaarisooqassaaq. Aqqusineq illoqarfimmut atasun-ngorlugu miiterinillu arfinilinnik silissusilerlugu suliarineqassaaq.

Imm. 2. Aqqusernit pingaannginnerusut sanaartorfimmi 3-miittut illoqarfiup ilaata tamatuma aqqusernginik taagorneqartut aqqusernmut pingaarnermut atassuserneqassapput. Illoqarfiup ilaata tamatuma aqquserngi miiterinik sisamanik silissusilerlugit

suliarineqassapput. Aqqusineq isugutaartarumallugu aqqusineq illugiinnik miiterimik ataatsimik silissusilinnik kussiorneqassaaq.

- Imm. 3.* Miiterinik marlunnik silissusilinnik nutaannillu aqqusineeqqortoqarsinnaavoq.
- Imm. 4.* Illoqarfiup tamatuma aqquuserngata isuani biilnut unittarfiliortoqarlunilu kaajallattarfiliortoqassaaq.
Sanaartorfiup 3-p kangisinnerusortaani aqquuserngup illoqarfimmut atasup silissineratigut unittarfiliortoqassaaq.
- Imm. 5.* Aqquuserngit asfaltimik akuukkamik qallersorneqartassapput. Sivingarnit kusserngillu ujaqqanik, kussinernut naqqaliuttakkanik cementimillu sakkortusakkamik (betonimik) qallersorneqartassapput.
- Imm. 6.* Illunut namminerisaminnik toqqavilinnut tamanut biilnut uninngasarfiliortoqassaaq kiisalu illut pukkitsut uiguleriiaat pingasukkaarlugit ataatsimik uninngasarfiliorneqartassallutik sanaartukkap atugassanngortinneqannginnerani inerreqareersimasussanik.
- Imm. 7.* Nunaminertanut atugassanngortinneqartunut ataasiinnarmik aqqusinniortoqartassaaq. Sumiinnissaa, kussinilersorneqarnissaa qallersorneqarnissaalu kommunimit akuersissutigineqartassapput.

§ 5. Sanaartorfiusinnaasut aqqusinernut ungasissusissaat

- Imm. 1.* Aqquusernit illoqarfimmut atasut aqquusernillu illoqarfiup ilaani pineqartumiinnarmiittut killingisigut sanaartorfiusinnaasut aqqusinernut qanoq ungasitsiginissaa nalunaqqutsersorneqartassapput. Tassa aqquusernit illoqarfimmut atasut qeqqiniit miiterinik qulinik avaqqullugit kiisalu aqquusernit illoqarfiup ilaani pineqartumiittut qeqqiniit miiterinik 5,75-inik avaqqullugit.
- Imm. 2.* Sumiiffiit aqquusernit killinginiit sanaartorfiusinnaasup killinginut ittut atortorissaa-rusersornissamut siunertanut atorneqartassapput (aqquusineeqqanut, uningasarfinnut, kussinernut, erngup aqquutaanut, sarfap aqquutaanut, il. il.) aammalu sanaartorfigineqartassanatik.

§ 6. Sanaartorfiup annertussusia sumiiffialu

- Imm. 1.* Sanaartukkat sanaartorneqartassapput maleruagassat illoqarfiup ilaani pilersaarusiap titartarneqarnerani takutinneqartut malillugit.
- Imm. 2.* Sanaartukkat nunami tunngavimminniit miiterinit 11-nit portunerussanngillat. Taamaattorli naqqup ataa nunap pissusiinit pilersinneqartoq aamma iluaqutiginiarneqartassaaq.

- Imm. 3.* Toqqaviit pisariaqartitanit portunerusassanngillat. Toqqavik ersittoq cementiuppat sakkortusagaq portunerpaamik miiterimik ataatsimik portussuseqartassaaq. Toqqavik tassannga portuneruppat sanaartukkatulli qallersorneqartassaaq.
- Imm. 4.* Inoqutigiinnut ataatsinut illuliat portunerpaamik ininik quleriinnik marlunnik portussuseqartassapput.
Sanaartukkat ataasiakkaat portussusissaasa aalajangersarneqarneranni sanilit isikkivigisinnaasaat mianerineqartassapput.
- Imm. 5.* Sanaartukkap suulluunniit ininik quleriinnik marlunnik portussusillip qaliata qaava naqqaminiit miiterit arfineq-pingasut sinnerlugit portussuseqartassanngilaq sanaartugarlu atorineqartumik naqqup ateqarpat taassuma naqqaniit miiterit aqqanillit sinnerlugit portussuseqartassanngilaq.
- Imm. 6.* Qaliata sivingarngi quassuttuunik qilaavanut napparlugit aalajangikkanik qirattaqusersorneqartassapput.

§ 7. Sanaartukkat ungataannit isigalugit

- Imm. 1.* Sanaartugassat avatangiisiminnut tulluurtussanngorlugit titartarneqarsimasariaqarput.
- Imm. 2.* Qalipaait suut atorineqarnissaat aammalu sunut allanngortinneqarnissaat, atortussat suut atorineqassanersut kiisalu sanaartukkat qanoq iluseqassanersut tamatigut atortorissaarusornermut ataatsimiititaliamit akuersissutigineqartassapput.
- Imm. 3.* Takoqqusaarutit ussasaarutillu aatsaat nivinngarneqarsinnaasassapput tamatigut kommunip akuersissuteqareerneratigut.

§ 8. Nunaminertat sanaartorfigineqanngitsut

- Imm. 1.* Nunaminertat sanaartukat akornanniittut naammaginartumik iluarsartuussivigineqartassapput isugutannerat kussinernut kuuffilersorlugu aammalu nunaminertat kusanartuutinniarlugit.
- Imm. 2.* Nunaminertat illoqarfiup ilaani tamatumaniittut uninngaartitsivigineqaratillu angallatinut inissiivigineqartassanngillat, illuaraliorfigineqassanatik kiisalu perlukunik tamakkununngaluunniit assingusunik eqqaavigineqartassanatik.
- Imm. 3.* Sanaartorfimmi suliassat pisariaqartut saniatigut ujaqqanik issumilluunniit nuussinikkut qaartitsinikkulluunniit nuna allanngortiterneqassanngilaq; aamma tamanna ujaqqanut angisuunut atuuppoq.
- Imm. 4.* Sanaartukkamik piginnittoq nunaminertat sanaartukkat eqqaaniittut eqqiluutsuutinnissaannut pisussaavoq. Nunaminertat sanaartukkat killinginiittut qaqitsivittut qimatsivittulluunniit atorineqartassanngillat.

Imm. 5. Nunaminertat sanaartorfigineqanngitsut naasui qaavilu sanaartorfigineqarnermikkut allamilluunniit sullivigineqarnermikkut aserorneqarsimasut naatsinniaqqinneqarlutillu iluarsartuunneqartassapput.

Imm. 6. Qaarsut nunaluunniit aserorterneqassanngillat. Immikkut akuersissuteqarfigineqartinnani qaarsut qaartiterneqaratillu ujaqqat nussorneqartassanngillat.

Imm. 7. Nunaminertat sanaartorfigineqanngitsut eqqiluutsuutinneqassapput kusanartuutinniarneqassallutillu.

§ 9. Avatangiisinik illersuineq

Imm. 1. Avatangiisit pillugit aalajangersakkat atuuttut eqqortinneqartassapput.

§ 10. Kusserngit atortorissaarutersuutillu

Imm. 1. Imeq sanaartukkanit ataasiakaanit atoriigaq sumiiffimmi tamaani eqqagassat imerpalasut kuuffiitut pisortanit pigineqartunut kuutsinneqartassaaq. Kuugutsitassat ajornanngippat kusserngit aqqusernit aqqusineeqqallu killinginiittut aqqutigalugit kuugutsinneqartassapput.

Imm. 2. Masak nunap qaaniittoq aamma imeq siallersillugu qalianit kuuttartoq eqqagassat imerpalasut kuuffiitut aqquserneqartassanngilaq, kisiannili kusserngit tamakkununngalu ataqatigiissitsiviit allat aqqutigalugit peerneqartassalluni – taamaaliornikkummi sanaartukkat, nunaminertat, aqqusineeqqat, illoqannginnersat il. il. tamatuma eqqaaniittut akornuser-neqarsinnaajunnaassammata.

Imm. 3. Imermut aqqusiinnerit, eqqagassanut imerpalasunut kuuffiliinerit kiisalu nalunaarasuartaaserinermi sarfalersuinermilu ledningilersuinerit ajornanngippat ataqatigiissitsivinni aqqusernit aqqusineeqqallu killinginiittuni ikkussorneqartassapput.

§ 11. Akuersissutigineqarnerata uppersarsarneqarnera

Illoqarfiup ilaani pilersaarussiaq A5-1 siunnersuutitut marts-ip 15-ani 1999-imi kommunalbestyrelsimit akuersissutigineqarpoq.


Henrik Lund
borgmesteri


Leif Ellebæk Motzfeldt
kommunaldirektøri

Illoqarfiup ilaani pilersaarussiaq A5-1 januar-ip 18-ani 2000-imi kommunalbestyrelsimit inaarutaasumik akuersissutigineqarpoq.

Henrik Lund
borgmesteri

Peter Thomsen
kommunaldirektøri



 <p>QAQORTUP KOMMUNIA Postboks 514 3920 Qaqortoq Tlf: 64 22 77</p>	
<p>LOKALPLAN A5-1: Lokalplankort</p>	<p>Kort nr. 1 Mål : 1:2000 Dato: Januar 2000</p>

